

Ո Ր Ո Շ ՈՒ Մ ԹԻՎ 379/6

/վարչական տույժ նշանակելու մասին/

«15» մայիս 2023թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ՝ Հայկ Միրզոյանս, քննելով քաղաքացի Մասիս Իսրայելյանի (քաղաքացիություն՝ ՀՀ, անձնագիր՝ AS0319017, ծնված՝ 08.11.1987թ.) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Քաղաքացի Մասիս Իսրայելյանի կողմից 29.08.2022թ. Գոգավան-Պրիվոլնոյե մաքսային կետ-բաժնով թիվ 05100034/290822/0000725336 մաքսային մուտքի օրդերով ժամանակավոր ՀՀ է ներմուծվել «MERCEDES-BENZ C203» մակնիշի, 2007թ. արտադրության, AR005SE պետհամարանիշերով տրանսպորտային միջոց: Ժամանակավոր ներմուծման վերջժամկետ է սահմանվել 28.02.2023թ., սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը: Փաստի առթիվ ՀՀ ՊԵԿ Արևելյան մաքսատուն վարչության Գոգավան-Պրիվոլնոյե մաքսային կետ-բաժնի ավագ մաքսային տեսուչ իրավաբանի կողմից 07.04.2023 թվականին Մասիս Իսրայելյանի նկատմամբ կազմվել է մաքսային կանոնների խախտման վերաբերյալ արձանագրություն՝ «Մաքսային կարգավորման մասին» ՀՀ օրենքի 309-րդ հոդվածի հատկանիշներով:

Նշանակվել է լուծման 11.05.2023 թվականին ժամը 11:00-ին, իսկ գործի քննություն՝ 15.05.2023 թվականին ժամը 15:00-ին, էլ. փոստի միջոցով ուղարկվել է ծանուցագիր, սակայն վերջինիս գրավոր տեղեկություն չի հայտնել ծանուցվելու վերաբերյալ:

«Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 1-ին կետի համաձայն օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով:

Սույն Օրենսգրքի 259-րդ հոդվածի 2-րդ կետում նշված օտարերկրյա ֆիզիկական անձանց կողմից՝ անդամ պետություններում և Միության անդամ չհանդիսացող պետությունում գրանցված

անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով:

Անդամ պետությունների ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով:

Նույն հոդվածի 5-րդ մասի 1-ին պարբերության համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման»:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

Նույն օրենքի 309-րդ հոդվածի 1-ին մասի համաձայն՝ «Ֆիզիկական անձանց կողմից հետագա արտահանման պարտավորությամբ Հայաստանի Հանրապետություն ներմուծված անձնական օգտագործման տրանսպորտային միջոցները սահմանված ժամկետում Հայաստանի Հանրապետությունից չարտահանելը, եթե հետագա արտահանման պարտավորությունը խախտվել է ավելի քան տասն օրով՝ առաջացնում է տուգանք՝ ֆիզիկական անձանց կողմից այդ տրանսպորտային միջոցներն ազատ շրջանառության համար բաց թողնելու նպատակով ներմուծելու համար նախատեսված մաքսային վճարների (բացառությամբ մաքսային մարմինների կողմից մաքսային գործառնությունների իրականացման համար գանձվող պետական տուրքի) մեծության տասը տոկոսի չափով, բայց ոչ պակաս, քան երեսուն հազար դրամի չափով»:

Այսպիսով, վարույթի նյութերով հիմնավորվում է, որ Մասիս Իսրայելյանի կողմից թիվ 05100034/290822/0000725336 մաքսային մուտքի օրդերով ներմուծված տրանսպորտային միջոցի հետագա արտահանման պարտավորության չկատարման համար առկա է «Մաքսային կարգավորման

մասին» ՀՀ օրենքի 309-րդ հոդվածով նախատեսված մաքսային կանոնների խախտման հատկանիշներ, ինչը հիմնավորվում է վարչական վարույթի նյութերով: Մ. Իսրայելյանը չի ներկայացրել որևէ ապացույց հետագա արտահանման պարտավորությունը չկատարելու մեջ վերջինիս մեղքը բացառող որևէ ապացույց:

Ելնելով վերոգրյալից, ղեկավարվելով «Մաքսային կարգավորման մասին» ՀՀ օրենքի 309-րդ, 322-րդ, 334-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. Մաքսային կարգավորման մասին ՀՀ օրենքի 309-րդ հոդվածով նախատեսված մաքսային կանոնների խախտում կատարելու համար Մասիս Իսրայելյանին ենթարկել վարչական պատասխանատվության՝ տուգանելով **628.825 ՀՀ դրամի** չափով:
2. Որոշման մասին հայտնել Մասիս Իսրայելյանին:
3. Պարզաբանել, որ Մաքսային կարգավորման մասին ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և նույն հոդվածի 4-րդ կետի համաձայն՝ վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով:

Սույն որոշմամբ նշանակված փուլանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մաքսափուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ՝

ՀԱՅԿԱՄԻՐՉՈՅԱՆ

